



KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

17 MAC 2021 (RABU)



KERATAN AKHBAR DAN MEDIA ONLINE (KPDNHEP)

17 MAC 2021 (RABU)

* Sindiket gores dan menang sasar warga emas kecundang

KUALA LUMPUR – Tindakan satu sindiket aktiviti gores dan menang dengan menyasarkan golongan warga emas sebagai mangsa tidak berpanjangan apabila sepasukan penguat kuasa Kementerian Perdagangan Dalam Negeri dan Hal Ehwal Pengguna (KPDNHEP) menyerbu sebuah kaunter jualan di sini pada 12 Mac lalu.

Pengarah KPDNHEP Kuala Lumpur, Ariffin Samsudin berkata, serbuan kira-kira pukul 11.30 pagi itu dilakukan susulan aduan awam yang diterima berhubung aktiviti perniagaan jualan langsung tanpa lesen sah termasuk menjalankan aktiviti gores dan menang.

"Seramai tiga individu telah ditahan dan siasatan awal di kaunter jualan itu kemudian membawa anggota penguat kuasa ke sebuah kediaman di Puchong, Selangor yang disyaki dijadikan tempat simpanan barangan dan dokumen-dokumen aktiviti terbabit.

"Menerusi serbuan di rumah itu kita telah berjaya merampas sebanyak 115 unit barangan elektrik pelbagai jenama, dokumen berbentuk invois bayaran yang dibuat oleh pembeli, telefon bimbit dan sebuah kereta jenis Nis-

san Almera," katanya pada satu sidang akhbar semalam.

Menurut Ariffin, tiada sebarang tangkapan dilakukan di kediaman yang merupakan inap desa itu dan dipercayai rumah tersebut ditinggalkan secara tergesa-gesa kerana masih ada barangan yang ditinggalkan.

"Susulan maklumat risikan, pasukan serbuan kemudian berjaya mengesan serta menahan seramai 12 individu yang dipercayai terlibat dengan sindiket berkenaan di sebuah hotel di ibu negara yang dijadikan tempat persembunyian mereka.

"Turut dirampas adalah sebanyak empat buah kenderaan pelbagai jenama dan sejumlah telefon bimbit yang menjadikan jumlah keseluruhan rampasan dianggarkan mencecah RM807,798 iaitu jumlah rampasan kedua paling besar tahun ini," ujar beliau.

"Modus operandi mereka adalah menarik pelanggan ke kaunter sebelum menandatangani dokumen.

"Mangsa yang terpedaya biasanya hanya memenangi baucar RM30 tetapi perlu membeli barangan bernilai mencecah ribuan ringgit dan akhirnya sedar mereka tertipu," jelasnya.



Oleh Muhaamad Hafis Nawawi
mhafis@hmetro.com.my

Kuala Lumpur

Menyasarkan warga emas dan pesara kerajaan atau swasta dengan mengeksploitasi kad kredit mangsa sehingga menyebabkan mereka kerugian ribuan ringgit.

Itu taktik sindiket gores dan menang yang terbongkar hasil tiga serbuan dijalankan Kementerian Perdagangan Dalam Negeri dan Hal Ehwal Pengguna (KPD-NHEP) Kuala Lumpur yang menahan 15 orang membatalkan nilai rampasan RM807,798.

Pengarahnya, Ariffin Samsudin berkata, serbuan pertama dijalankan di sebuah kaunter jualan di sebuah pusat beli-belah di ibu kota pada jam 11.30 pagi Jumaat lalu dan menahan tiga individu disyaki ejen kaunter jualan.

Beliau berkata, hasil siasatan lanjut, pihaknya me-

Baucar RM50, kebas RM4,000

Sindiket gores dan menang sasar warga emas paksa beli barang guna kad kredit

meriksa sebuah rumah di Puchong, Selangor kerana dijadikan tempat simpanan barangan.

"Dalam serbuan itu, kami merampas 115 unit barangan elektrik pelbagai jenama, dokumen berbentuk invoice bayaran dibuat pembeli, telefon bimbit dan kereta Nissan Almera.

"Bagaimanapun, tiada orang di dalam rumah itu dipercayai ditinggalkan secara tergesa-gesa dan semakan mendapati kediaman itu inap desa yang disewa sindiket," katanya, se-

malam.

Ariffin berkata, pihaknya kemudian menahan 12 lagi disyaki pekerja syarikat terbabit di sebuah hotel di ibu kota pada Sabtu lalu dan merampas empat kenderaan pelbagai jenama serta telefon bimbit.

Beliau berkata, siasatan mendapati sindiket itu mula beroperasi awal tahun lalu dan bergerak aktif di beberapa negeri.

Menurutnya, hotel terbabit bukan tempat operasi, sebaliknya mereka melarikan diri selepas inap desa

diserbu.

"Modus operandi dengan menyasarkan golongan warga emas dan pesara dengan mendapat tandatangan ketika menyertai gores dan menang sebelum mengugut supaya membeli barangan dengan harga mahal menggunakan kad kredit selepas memenangi baucar.

"Sebagai contoh pembeli memenangi baucar RM50, tetapi perlu membeli barangan bernilai RM4,000 dan mereka dipaksa membeli kerana sudah bersetuju menyertai peraduan itu melalui tandatangan pada dokumen.

"Kes berkenaan disiasat mengikut Akta Jualan Langsung dan Skim Anti Piramid 1933," katanya.

Premis gores dan menang diserbu

KPDNHEP serbu
tiga premis di sekitar
Lembah Klang

Oleh MUHAMMAD AFHAM RAMLI

KUALA LUMPUR

Kementerian Perdagangan Dalam Negeri dan Hal Ehwal Pengguna (KPDNHEP) Kuala Lumpur bertindak menyerbu premis sindiket gores dan menang di sekitar Lembah Klang baru-baru ini.

Pengarahnya, Ariffin Sam-sudin berkata, serbuan pertama pada jam 11.30 pagi, Jumaat lalu di sebuah kaunter jualan di pusat beli-belah di Kuala Lumpur berjaya menahan tiga individu disyaki ejen sindiket terbabit.

"Soal siasat kemudian membawa serbuan pada hari sama di sebuah kediaman inap desa di Puchong, Selangor yang dijadikan sebagai tempat simpanan barangan elektrik dan dokumen berkaitan.

"Pihak kami merampas 115 unit barangan elektrik pelbagai jenama, dokumen invois pembeli, telefon bimbit dan sebuah kereta jenis Nissan Almera," katanya pada sidang akhbar di



Ariffin (kanan) menunjukkan antara barang elektrik yang dirampas susulan serbuan di premis sindiket gores dan menang baru-baru ini.

sini pada Selasa.

Susulan itu, beliau berkata, KPDNHEP Kuala Lumpur berjaya menahan 12 lagi individu di sebuah hotel di ibu negara pada Sabtu lalu disyaki pekerja dalam kegiatan sindiket terbabit.

"Sebanyak empat buah kenderaan dan pelbagai jenis telefon bimbit telah dirampas.

"Kesemua rampasan dalam tiga serbuan itu bernilai RM807,798 dan merupakan rampasan kedua terbesar setakat tahun ini," katanya.

Mendedahkan kegiatan itu, Ariffin berkata, sindiket terbabit beroperasi dengan membuka kaunter jualan dan akan menyasarkan mangsa dalam kalangan warga emas serta pesara.

"Sindiket akan menarik mangsa sebelum mendapatkan tanda tangan mereka pada dokumen berkaitan sebelum menyerahkan kad kredit kononnya bagi melayakkan untuk menyertai peraduan gores dan menang.

"Selepas menerima baucar peraduan, suspek akan mengugut mangsa untuk membuat pembelian barangan seperti yang ditawarkan dengan harga yang tinggi," katanya.

Tambah Ariffin, pihaknya percaya sindiket itu turut aktif di beberapa negeri lain seperti Pahang, Perak dan Kedah.

"Siasatan masih dijalankan dan kes disiasat di bawah Akta Jualan Langsung dan Skim Anti Piramid 1993," katanya.

 Senarai Harga Barang Keperluan	• Ayam RM6.59 • Daging Lembu Tempatan RM34 • Daging Lembu Import RM18.90	• Telur Gred A RM7.99 • Ikan Kembung RM9.99 • Minyak Masak RM5.30	• Gula Pasir RM2.85 • Bawang Besar Holland RM2.89 • Bawang Putih RM5.90	• Cili Merah RM11.99 • Kubis Bulat Tempatan RM3.50 • Tepung Gandum RM2.15 *Harga (RM/kg) Sumber: KPDNHEP
--	---	--	--	---